

華岳志

一
函
四
冊

華岳志

卷一

PDG

華嶽志卷六

關門李 榕蔭伯甫纂輯

華麓楊翼武燕庭甫評閱

藝文下

記

始入華山至西峯記

明王履

寓長安之踰年新豐邱丈來偶設登華山所得且憇憇余遂諾焉時暑溽期初秋偕予再登七月十有八日至邱丈所而丈適病餘尚困命其外孫沈生相予騎驢行并以日夜越二日暮抵華陰遞運所托宿焉大使黃某具酒肴待因以所登難易爲問

曰官此六年去山僅數里懼弗勝興作隨止聞遊者及青柯坪
仰瞻多自沮而退以故卒不敢往遣其僕慣登者二人導余翌
日早食畢行近山口泉聲琅然稍入殿角出灌木中僕曰此玉
泉院也至院外觀希夷先生塑像熟睡如生立清樾中風泠泠
來鬢鬚皆動搖而塵垢之面如濯諸道士出迎具茶果言緣險
難甚草木皆戟不可以禮服贈余一杖謂扶到青柯坪而止以
上則不可杖矣於是冠履外服等悉留院中唯幅巾短衣行滕
草履而已沈生健善步跣以行二僕前道旁山對開神意飛動
未遽行且覽其概于時宿雲在嶺羣峭未出餘烟自旁山上蹇
朝陽射其端壁立之妙荏苒可得風觸壁一鳴寥寥焉而往調

階積桂酒徒盈尊故人不在席日暮山之幽臨風望羽客

崖壑澄清景景清崖壑深白雲飛暮色綠水激清音澗戶散餘
彩山窻凝夕陰花草共榮映樹色石相陵獨坐對陳榻無客荷
鳴琴寂寂幽山裏誰知無悶心

辛丑歲十月上幸長安時扈從出西嶽作

唐

沈佺期

西鎮何穹崇壯哉信靈造諸嶺皆峻秀中峯特美好傍見巨靈
存勢如石東倒頗開首陽去開拆此河道磅礴壓洪源巍哉壯
青昊雲泉紛亂瀑天磴屹橫抱子先呼其巔宮女世不老下有
府君廟歷載傳洒埽星明應天遊十月戒豐鎬微末忝閒從兼
得事蘋藻夙昔愛茲山意欲拾靈草陰壑已永閤雲竇絕探討

芳月期再來迴策思方浩

仙谷遇毛女意知是秦宮人

常建

谿口水石淺冷冷明藥叢入谿雙峰峻松枯疏幽風垂嶺枝嫋
嫋翳泉花濛濛黃緣霽人目路盡心彌通盤石橫陽崖前臨殊
未窮回潭清雲影瀾漫長天空水邊一神女千歲爲玉童羽毛
經漢代珠翠逃秦宮目覩神已寓鶴飛言未終祈君青雲秘願
謁黃仙翁常以耕玉田龍鳴西頂中金梯與天接幾日來相逢

玉真仙人歌

李白

玉真之仙人時住太華峯清晨鳴天鼓颺鳩騰雙龍弄電不輟
手行雲本無踪幾時人少室王母應相逢

華嶽

王維

西嶽出浮雲積翠在太清連天凝黛色百里遙青冥白日爲大
寒森沉華陰城昔聞乾坤開變化生巨靈右足踏方山左手推
削成天地忽開拆大河注東溟遂爲西嶽峙雄雄鎮秦京大君
包覆載至德被羣生上帝佇昭告金天思奉迎人祇望幸久何
獨禪云亭

送夏侯校書歸華山別野

盧綸

山前白鶴村竹雪覆柴門候客定爲黍務農因燎原乳水懸暗
井蓮石照晴軒貰酒隣里睦曝衣場圃暄依然望君去余性亦
河昏

華山

韓愈

洪鍾作高山大氣鼓其橐俄然神功就峻拔在寥廓靈跡露指
爪殺氣見稜角凡木不敢生神仙聿來托天資帝王宅以我爲
關鑰能令下國人一見換神骨高山固無限如此方爲嶽丈夫
無特達雖貴猶碌碌

遊華山雲臺觀

孟郊

華嶽獨靈異草木恒新鮮山盡五色石水無一色泉仙酒不醉
人仙芝皆延年夜間明星館時弄女蘿絃敬茲不能寐焚香吟
道篇

西嶽廟

賈餗

老栢寒風颭清祠晝寂寂開門華山北嵐烟沉日夕國家崇明
祀五嶽盡封冊念我西土民報君金天籍惟神本直信以道微
損益無乃惑聰明訛言縱巫覡因循作風俗相與成寢溺疲病
閭里氓錐刀往來客我行歲云暮登廟拜瑤席奠酒澈靈明緒
言多感激鬱鬱展冠冕凜然生矛戟斑駁石色重陰沉香烟碧
虹梁無燕雀聖座鎮虺蜴唧唧似有聞依稀疑所覲暑年業文
翰弱冠薦長厄天命幾微茫神達獨悚惕今來遊上國幸遇陶
唐歷正直不吾欺願言從此適

經太華

衛光

太華五千尋重崑才沓起勢飛白雲外影倒黃河裏上有千葉

蓮服之久不死山高採難得嘆息徒仰止

登華山絕頂

元
凝始真人

大造一爐冶妙有自相薄誰測陰陽故而云巨靈鑿井鬼分鶉
野雍梁奠坤絡少昊爲之都蓐收司其橐天地日奢華人物紛
炫焯白帝無真源人物孰斂却峪口徑初入雲根勢欲落五粒
平於偃三峯峻如削池無插天蓮凸有傾陽藿戲將核裏泥頓
令石生萼近疑小山岌遠訝大山霍點點露雲容片片射雲鐸
洞古停日輪樹老遮月角柯逢叔卿爛霧讓公超作冷冷玉姜
琴軒軒金仙鶴烟鬟雙馥郁霓旌一閃灼扶箱僅容足握繡不
驚魄乃知昌黎哭未信上界樂八水波聲小二陵秋色噩軒馭

不可攀堯年冀所獲弔古神偏王感時氣頗索聖主參元化賜
雨時斟酌濟濟稷契儔赴赴頗牧畧何事肥蠶見翻怪應龍護
瀑布岩無掛仙油碩已涸豈惟石櫟罄況乃苜蓿薄秩祀豈不
虔靈爽竟難度余亦青霞人偶讀黃金錯浮踪鍾樂鷄畏路珠
抵鵲膏盲在冥搜山神賞宿諾高揖墜驢翁長咲藏馬壑遙聞
大海西麗龍在寥廓瑤林杳無際瑞獸每相躍那得縮地方去
拾煉金藥肉食顏難駐羽化神堪托祇須滅萬想便能開九鑰
隋唐旦暮間前身愧凌閣

道經海外西嶽居七氣
素靈之內有麗龍山

經太華

時以典試道經華陰
不及登山遂有此作

明
袁宏道

天地如文人精華不可刊而其秀傑氣常在水與山華山翠天

表五月讓高寒當其匠意時百靈窮肺肝琢以月天斤洗以銀
浦瀾採以鴻濛烟照以日月九十二樓五城處處映青鬟嘗恐
諸仙人鶴轡憇此間天風刷毛羽千里佩珊珊

昔聞華山名今見華山貌何時陟微茫遍賞夙所好手搴青芙
蓉玉女隔花笑數盡仙掌文喚醒希夷覺少時耽子墨頗識徐
熙妙幅絹對青山臨崖親寫照不取色態好唯求神骨肖俗黛
與凡霞無事點幽奧斷崖着孫登虛空發清嘯

玉泉院

國朝

王士正

日玩玉泉流靜悟先天易多事墜驢時強與人間事

鎮嶽宮

桑調元

峇嶺鎮嶽宮直歷飛雲頂爽氣豁金天
燈泉涵玉井仙人高掌開司寇峩冠
整蓮花爛空浮一朵青烟冷依微滇
黔山破碎多陽影石欄在層霄獨立
秋光迴

雲臺觀

蔣超超

雲臺俛星泓老栢擎霜盡清磬石房
響瑤琴碧泉洗我來逢烟客壽與喬
松比百年甫開秩一祔輕如紙長跼
問丹訣鏗然啟玉齒人生驚若浪當
境輕爲美此是一字鼎黃育舉不起

御道

王又旦

履危肆幽討訪古披藂蒨巡幸聞昔
王層崖起紺殿峻嶒施綈錦風雲開
組練緬彼秩望遐慨茲石林變手攀
將軍樹暫時展

深戀憶昨宿青柯東壁恣遊盼爽氣盤雲臺冥濛目苦眩向訝
最高峯到此了不見浩浩巨靈力斧鑿留婉變坐看仙掌近長
吟不知倦

三公山

王又巨

三山如列豆絕壁何嶙峋傳聞金天帝設此觴百神萬松奏瑤
瑟高歸樂無垠我欲獻新詞座上娛仙賓一彈雲氣合逸響迴
秋旻老翁垂綠髮攜我遊漢津此事頗茫昧誰見羅八珍日夕
隔大壑遠望還逡巡

千尺峽

顏光敏

青柯圍翠屏回合無缺竇東北窮石林劈空懸巨雷巉巖互噴

薄造化爭一候天矯轉蛇龍窅冥穿颺颺側聞天籟發曠野雷
霆鬪仰井窺秋旻浮雲裊清晝白帝觴百神衆峯爲籩豆瓊臺
阻且長翠葆紛何就

瀑布

顏光敏

谿迴峽角轉三峯面始正萬仞青琅玕瀑流下砰訇天逼多烈
風飄洒無時定細沫隨霧滴大珠如星迸石罅昔未闢渟泓絕
人徑時挹霄漢分遙想菡萏盛誰使鴻濛開瓊宮借涵映高蘿
有垂猿登歷當與并

白雲峯

顏光敏

三峯信靈造巍巍司冠冠磊砢不盡洩蚴蟉復北盤結空出瑤

凡前對香爐寒大道望如髮豁然見長安我行採山蓀薜茑被
岡巒秋色何時來萬里霜林丹三川富陳迹八水無停瀾玉女
悵不顧日斷雙青鸞

犁溝

顏光敏

犁溝劃絕壁直上無迴藏熊經復魚貫誰得相扶將危柯裊撐
拄修綆垂毫芒仰睇愁瞑眩况乃窮八荒昔夢逐化人靈境空
徬徨退身渺無地懦夫亦時強高林絕鳥雀萬壑聞笙簧便合
此中住彌年承玉漿

擦耳崖

顏光敏

振衣更南登詭狀乃非一蟻行緣危棧逡巡皆股栗側身常顛

耳如跼妨齧膝吹徑乾松花滴空熟崖蜜蕭城無人跡坐惜幽
芳失昔聞避世亂鷄大喧雲日劫火燒咸秦遙慨人代畢遺灶
尚可尋終當置蓬室

蒼龍嶺

顏光敏

紆迴下平坂削成當左衝青霄嵐光滅蜿蜒垂蒼龍修鱗剝石
蘚高脊突劍鋒神物倏幻化雷雨愁相從玉京多欄楯琪樹無
春冬咫尺不可接勞心益懣懣危巢見炊烟下界聞夕鐘相攜
戒前路日暮崖霜濃

華嶽

康乃心

樹老萬山秋烟空石氣潔攝衣步危顛矚處皆寥絕不知何皇

年大荒噴羅列神力旣恍惚元精奚固結七十二代君金檢皆
磨滅漢武與秦皇狩望徒虛設最後白雲翁片石藏孤子自非
帝重華聖功難配壻西皇肅大威玉女盆清冽髣髴觴百神珊
珊鳴玉玦漸知近至尊悚息斂狎褻微聞衆藥香紛雜不可擷
賤子愧卑微名山夙所悅嶽靈倘見怡燦齒啟蒙劣山行秋更
奇况值黃花節一峯爲一拜一拜一心折四顧但蕭瑟氣象亦
殊別渺茫若動搖下界俯一切雄山須如此登之始稱傑不然
觀海人胡爲臨東碣

二仙橋

朱楓

絕壑雨飛梁巖巖尺有咫無級亦無欄白雲生澗底華雲陟險